



زمستانه ره

ای پابراڻده گيله مرد، وربکشه تومان بره
مردومه دس چوپور نایه، تی پیشانیه عرخ دره
چله دورونی، چله دورون، چانچو به کول، هیسته چوره
ای خودا ترا برکت بده، قوت بده ترا بداره
شارا تو آباد کونی، شاری شومه جیره خوره

تو باره جیر مندی بوکود، برف کوله کوله باره
اون کی او پوشت دوخوفته نا، شومه را ئی جورده فاندیره
او توله شخصی بق زنه، چل ده پاچه ترا دواره
من دانمه، تونم بدان، هو بیله گیل تی نوکره
شارا تو آباد کونی، شاری شومه جیره خوره

بهاره ره

آفتاب جه دریا پر نزه، تاریک سفید صوبه بهار
شهری به هفتا خواب دره، تو وی ریزی به عشقه کار
او پرکانه، دپرکانه، جنگلا اوخان، بولبول هوزار
تی بره رو شوروم شوره، کی ره اجور مويسره
شارا تو آباد کونی، شاری شومه جیره خوره

شاری بنفشه نویره، اوسانه زنه خو سینه سر
فرقه مه آمیلا بیدین، سینه و پا، زیر و زیر
ها نوبری تی پا جیری، واجه فوجه لشکه له ور
به تی بجسته رگ قسم، باز تی موقام بوجورتره
شارا تو آباد کونی، شاری شومه جیره خوره

تاوستانه ره

قلبه اسد، زواله ره، افتابه زاله دورونی
شاری کشاشو بالشا، تو ئی کشه حاصل چینی
زلزله خواندن نتانه، تو همسایا یاور کونی
تی قورقوشوم جانا به نازم، مورغانه دشکن نظرا
شارا تو آباد کونی، شاری شومه جیره خوره

شاری سر اوضایا ندین، وختی کی لختابه، برس
فو بزنی درازا به، عاجیزه از ئینا مگس
اتوفه یه، به هم نرس، چهارتا خاشه کس به کس
تو ساقی، تی پسر برار، کوشتی کونه، برم بره
شارا تو آباد کونی، شاری شومه جیره خوره

پانیزه ره

آفتاب نی شین پانیز روزان، دارانه لا سرخی زنه
لیشه، صدایا ئیشناوه، او تو رایه، بند اورسینه
تی گاب زیجی جه چرا، آمون دره، مله کونه
گیشه چیری به دس ئیسا، زاما شه گاوا بی گیره
شارا تو آباد کونی، شاری شومه جیره خوره

بج تو کاری، کج تو داری، چائی، توتون، مورکبات
سفره یه شایه نجفه، خانه یه احسانه دیهات
ماسست و عسل، دوغ و دوشاب، کبک و کرات
بج فروشه مورغا مانه، شاری دو تا چوم به دره
شارا تو آباد کونی، شاری شومه جیره خوره

تاجر اگر بشکنه ور، واستی بشه گورا، به سر
زیمین تی گاب صوندوقه، کیلید تی بازویه هونر
تی ره اگر نبود ببه، تی سره فیدا، گول عم پسر
مونکره کیمیا بگو، دیهاتی کیمیاگره
شارا تو آباد کونی، شاری شومه جیره خوره

موش و کاپیش، شال و واشک، خوک و غیره موقتخور
نخوانده مهمانانیدی، گرده کله، تی سوفره دور

موفت خوریدی، جوفت زینیدی ای تا بی جیر، اویتا بوجور پا، پسه پیش بنه، فودار، موفتخوره سینه سره
شارا تو آباد کونی، شاری شومه جیره خوره

اشپزی کی خوب چاکونه، پلایا با مورغ و کره اربابه ور، اخونده ور، قیمت و سر قوفلی داره
کشکی به قدره اشپز، قیمت و قورب بنید تی ره و حال اونکی تو، نی بی، شار و ولایت چه وه ره
شارا تو آباد کونی، شاری شومه جیره خوره

سوفره الوانه کنار، ترا به خاطر آور ره رم خدا پسی، تو رازقی، هرچی دارم، جه تو دارم
می دس و قلم گولاز کونه، کراتی تعریفا درم جز تو کی مدحا بوگویه، اون کی به نام، شاعره
شارا تو آباد کونی، شاری شومه جیره خوره